

Neko drugi može da u vaše ime posluje sa Centrelinkom



We speak your language 📞 13 1202

Možete ovlastiti neku drugu osobu ili organizaciju da za vas posluje sa Centrelinkom.

Takva osoba može da bude bilo ko, na primjer:

- rođak ili prijatelj,
- javni izvršilac oporuka (Public Trustee), Uprava za starateljstvo (Guardianship Board) ili
- predstavnik neke organizacije koja se brine o vama.

Centrelink pruža tri vrste aranžmana, koji mogu koristiti strankama.

Prema aranžmanu za osobu koja može tražiti informacije (Person Permitted to Enquire – PPE),

neka osoba ili organizacija ima ovlaštenje samo da u vaše ime traži informacije.

Prema aranžmanu za imenovanje osobe za isplate (Payment nominee), neka osoba ili organizacija ima ovlaštenje da u vaše ime prima vaše isplate. Imenovana osoba za isplate mora:

- da vodi evidenciju kako je isplata potrošena ili kuda je novac otišao,
- da zadovolji zahtjev kad Centrelink zatraži evidenciju o tome na šta su vaše isplate potrošene, i
- da stalno postupa na način koji je u vašem najboljem interesu.

Prema aranžmanu za imenovanje osobe za korespondenciju (Correspondence nominee),

neka osoba ili organizacija ima ovlaštenje da djeluje i mijenja informacije u vaše ime. Imenovana osoba za

Someone to deal with Centrelink for you – Bosnian

korespondenciju može da u vaše ime ispunjava većinu Centrelinkovih zahtjeva i ovlaštena je da prima kopije vaših pisama, da mijenja vaše informacije, te da se raspituje u vaše ime. Može da s vama ili za vas odlazi na zakazane razgovore sa Centrelinkovim osobljem. Imenovana osoba za korespondenciju mora stalno postupati na način koji je u vašem najboljem interesu, i može:

- da obavještava Centrelink o promjenama u vašim okolnostima,
- da u vaše ime ispunjava Centrelinkove formulare i izvještaje, i
- da Centrelinku dostavlja odgovarajuća dokumenta koja se odnose na vaše okolnosti.

Važno: i vi i vaša imenovana osoba treba da upamtite da ćete vi snositi odgovornost za svaki postupak koji se preduzme ili propusti preduzeti u vaše ime, a zbog kojeg dođe do preplaćivanja, pa ćete taj novac vi morati vratiti.

Ako želite da vam neko bude imenovana osoba, i vi i ta osoba morate popuniti formular 'Authorising a person or organisation to enquire or act on your behalf' (Punomoć za osobu ili organizaciju da traži informacije ili djeluje u vaše ime). U slučaju da stranka zbog fizičke, psihičke ili intelektualne nesposobnosti ne može da popuni ili potpiše formular, zahtijeva se dokaz o invalidnosti stranke. Kada nekog imenujete, to je dogovor na dobrovoljnoj osnovi i u svakom času se može opozvati, ako jednostavno nazovete Centrelink (osim ako je to zakonski odlučeno, na primjer ako je sud odredio takav aranžman, onda se to može prekinuti samo uz dozvolu te Uprave).

Za više informacija na bosanskom, nazovite 13 1202* ili posjetite našu Internet stranicu na www.centrelink.gov.au

* Pozivi na brojeve koji počinju sa "13" se mogu obaviti sa standardnih telefona iz svih dijelova Australije po cijeni koja nije viša od cijene lokalnog razgovora (cijene razgovora se mogu razlikovati kod različitih telefonskih kompanija). Pozivi na brojeve koji počinju sa "1800" su besplatni. Pozivi iz javnih govornica i sa mobitela se mogu naplaćivati i po višoj tarifi.

www.centrelink.gov.au



Australian Government

